

SOALAN NO: 44

**PARLIMEN MALAYSIA**  
**PEMBERITAHU PERTANYAAN DEWAN RAKYAT**

**PERTANYAAN** : Lisan

**DARIPADA** : Datuk Ago Anak Dagang @ Aaron  
[ Kanowit ]

**TARIKH** : 28 Mac 2017

**SOALAN** : Datuk Ago Anak Dagang @ Aaron  
[Kanowit] minta **MENTERI PERTANIAN  
DAN INDUSTRI ASAS TANI**  
menyatakan apakah dasar dan insentif  
Kerajaan terhadap perusahaan burung  
walit di Malaysia. Berapakah jumlah  
petani yang sudah menceburkan diri  
dalam bisnes burung walit ini.

## **Tuan Yang Dipertua,**

Pembangunan industri Sarang Burung Walit (SBW) adalah satu projek dibawah Bidang Ekonomi Utama (NKEA) Malaysia Pertanian. Sejak program NKEA SBW ini diperkenalkan pada tahun 2011, Kementerian Pertanian dan Industri Asas Tani (MOA) melalui Jabatan Perkhidmatan Veterinar (DVS) telah menyediakan peruntukan sejumlah RM14.06 juta bagi tujuan kajian, penyelidikan dan pembangunan industri sehingga tahun 2016.

Selain itu, MOA melalui DVS telah menyediakan insentif bukan berbentuk kewangan kepada pengusaha iaitu dalam bentuk penganjuran kursus-kursus tanpa mengenakan sebarang bayaran yuran. Kursus-kursus yang dianjurkan adalah bertujuan untuk meningkatkan kompetensi serta kefahaman terhadap syarat dan pematuhan aktiviti pengeluaran yang ditetapkan oleh pihak berkuasa.

Selain itu, kursus-kursus yang dianjurkan juga adalah bagi memastikan pengusaha – pengusaha SBW Malaysia mampu mengeluarkan SBW yang berkualiti selaras dengan amalan perladangan dan pemprosesan yang menepati aras piawaian dan keperluan pasaran global.

DVS juga menyediakan perkhidmatan khidmat nasihat seperti perundingan bagi cadangan projek, khidmat nasihat teknikal premis bermasalah dan rundingcara berterusan kepada pengusaha yang menceburi dalam industri ini.

Sehingga kini jumlah pengusaha yang terlibat dalam industri sarang burung walit ini adalah seramai 7,418 orang iaitu 6,854 orang dalam premis perladangan, 7 orang premis gua, 165 orang sebagai *service provider*, 104 orang sebagai *trader* dan 57 orang sebagai pengeksport.